

Որ գրեց ի քո հաւատէն հանին :
 Նախանձ մտաւ ի շար երիցնին
 Որպէս յաւուրս Յիսուս Փրկչին,
 Զքեզ չկամեցան նման նմին,
 Կորեան կորուստն յաւիտենին :
 Յետոյ յղեաց մարդ յ'աղանին,
 Թէ, թող բանան զեկեղեցին,
 Թէ չէ՝ կտորեմ՝ զմեծ կպղաքնին,
 Բռնութեամբ մտնամ յեկեղեցին :
 Աղանին զայս ճուղապ տըվին,
 Թէ, « Դու ելած ես մեր միջին .
 Ժամն է Հայոց և մեր ձեռին .
 Թող նա երթայ ժամըն Լեհին » :
 Երբ զայն ասին պարոնտիրին,
 Էառ զ'էմբէրն, եզ ի ծոցին,
 Գնաց ի սէրայն սթառօստին
 Եւ յարքեպիսկոպոսն Լեհին .
 Ապա ի ռաթուչըն քաղքին,
 Ուր մեծ դատաւորք նստէին .
 Ասաց . « Ունիմ էմբ արքային .
 Ժամերն և Հայք՝ իմ ձեռս պիտին .
 Բայց Հայքն չեն հնազանդ ինծի,
 Զթողուն մտնել յեկեղեցի » :
 Երեստ զ'էմբէրն և կարդացին,
 Պագին և ճակտնին դրին :
 Մարդ զրկեցին առ աղանին,
 Թէ թող բանան ժամին դըռվին :
 Նրբա ինատ արին, չբացին, [ցին :
 Թէպէտ քանի հեա մարդ զրկե-
 Նոք՝ ալ Հայոց յոյժ բարկացան,
 Արքեպիսկոպոսըն և փաշան .
 Զինուորքն ալ դուռըն գնացին,
 Զերկաթի դրունս կործանեցին .
 Բացեալ՝ զօռով ի ներս մըտին .
 Թէսլիմ արին պարոնտիրին :
 Իսկ Հայոց ազգն որ անդ կային՝
 Վայ և եղուկ անձանց տային :
 Իսկ նըվիրակն յորժամ լըսեց,

Զմաղն և զմօրութն իւր ճողեց .
 Քովըն նստած զՀայքըն վարեց,
 Զպատճառ եղողնին անիծեց :
 Հայերն լալով հառաչէին
 Առ նըվիրակն երթային,
 Ողբալով յոյժ յոյժ կսկծագին
 Աղիողորմ զայս ասէին .
 « Տէր Խաչատուր, այդ զի՞նչ արիր,
 Դու մեր գլուխն ի՞նչ բան բերիր .
 Միթէ առ մեզ վասն այն եկիր՝
 Որ զմեր ժամերն խել տայիր .
 Է՞ր դու շար մարդկանց լսեցիր,
 Նոցա խրատողն ի շուրջ եկիր .
 Միշտ ըզՆիկօլն դատ քաշէիր,
 Եւ հազար գէշ նմա ասէիր .
 Քեզ ի՞նչ պիտէր ի Լով զալու,
 Կամ թէ զնա կարգէն ձգելու :
 Գիտէիր դու գնա շահելու,
 Եւ զայս շար բանս չերկարելու :
 Քէմ լսեցիր դու ի Ստամբուլ,
 Թէ որչափ շարիս արար Նիկօլ .
 Բաժանեալ էին Հայք որ ի Լով .
 Չի մոեցեր, հասար փութով .
 Եկիր և եղար կողմ շար մարդկան,
 Կանչէիր, կ'առնեմ դատաստան .
 Այժմիկ եղար խիստ փոշման .
 Տեսնու՛ գլխուդ ինչ բաներ գան :
 Լաւ էր զմին շարն շահէիր,
 Քան զմեզ զամէնքըս կորուսիր,
 Յեկեղեցեացըն զրկեցիր, [ցիր :
 Զմեզ այլազգեաց ձեռք մատնե-
 Լջմիածինն այլ խատր (1) արիր,
 Քու մուրատիդ այլ չհասիր .
 Զմեզ հոգուով մարմնով կորուսիր .
 Մեծ փոթորակ թողիր գնացիր » :
 Նիկօլն սկսաւ ոճիրս գործել,
 Վտանգ Հայոց գլուխն անցընել,
 Ըզքահանայսըն շարշարել,

1. Եթէ թուր . իւրբ, քող, պատրուակ :